

Iroun Beretitenti
Henry B. Eyring

Moan Kauntira n te
Moan Beretitentii



Te Kakoaua ao te Rairaki

Bon iai te kaokoro imarenan karekean te kakoaua ibukin te koaua ao te rairaki ni koaua. Te katoto, te Abotoro are e korakora are Betero e kaota ana kakoaua nakon te Tia Kamaiu bwa e ataia bwa Iesu bon Natin te Atua.

“[Iesu] e taku nakoia, Ao ngkami kam taku bwa antai ngai?

“Ao e kaeka Timoni Betero ni kangai, Bon te Kristo Ngkoe, are Natin te Atua are maiu.

“Ao E kaeka Iesu ni kangai, Ko a kabwaiia, Timon, ae natin Iona: ba e aki kaota aei nako im te iriko ma te rara, ma E kaotia Tamau are i karawa. Mataio 16:15–17

Ao imwina riki, e tua nakon Betero, ao te Uea e anganna ao e anganiira te kairi nakon te rairaki ni koaua ibukin te maiu. Iesu e taku n te aro aei: “Ao ngkana koa manga rairaki, ao ko na kateimatoia tarim” (Ruka 22:32).

Iesu e reirei nakon Betero bwa e teimatoa n iai te bitaki ae korakora are e na riao ni karekean te koaua ni kona n iango, n namakin, ao ni mwakuri n aron ana reirei Iesu Kristo ae rairaki ni koaua. Aio te bitaki ae korakora are ti ukoukouria. N te tai are e reke iroura, ti kainnanoa te bitaki anne n reitinako ni karokoa te toki inanon te maiu ni kataaki (taraa Aramwa 5:13–14).

Ti ataia man bwai aika ti rinanona ao man tarataraakiia tabeman bwa reken tabeua taai aika a korakora n korakoran te maiu n tamnei e na bon aki tau. Betero e kakea ao e ataia te Tia Kamaiu e ngae ngke e a tia ni karekea te kakoaua iroun te Tamnei bwa Iesu bon te Kristo. Taan kakoaua ake Teniman n ana Boki Moomon a karekea te kakoaua ae kaineti nakoia are a anganaki bwa ana Boki Moomon bon ana taeka te Atua, ma imwiina riki a mamara n aia

mwakuri ni kamatoa bwa Iotebwa Timiti ae ana Burabetti n ana Ekaretia te Uea.

Ti kainnanoa te bitaki inanora, n aron are e kabwara-bwaraaki n ana boki Aramwa: “Ao a bon taekinna nakoia aomata te bwai are e riki nakoia—are nanoia e a tia ni bitaki; ao akea riki nanoia ni kan karaoa te buakaka.” (Aramwa 19:33; taraa naba Motiaeia 5:2).

Te Uea e reireiniira bwa ngkana ti rairaki ni koaua nakon Ana euangkerio, nanora a na rairaki ao ni bitaki nakon te ibuobuoki n tabekiarake tabeman ngkai a waaki rake nakon te maiu are akea tokina. Ni karekean te rairaki anne, ti kona n tataro ao ni mwakuri inanon te onimaki n riki bwa te aomata ae e boou are e riki man ana Mwakuri ni Kamaiu Iesu Kristo.

Ti kona ni waaki n tataro ibukin te onimaki bwa ti na rairi nanora man mwamwannanoara i bon iroura ao ibukin te bwaintangira n tabeakinia tabeman riki nakon tabeakinara. Ti kona n tataro ibukin te mwaaka ni kanakoi ara kainikatonga ao ara bakantang.

Te tataro e na riki naba bwa te king ibukin karekean te bwaintangira n tangiran ana taeka te Atua ao ibukin ana tangira Kristo (tara Moronai 7:47–48). Bwai aika uoua a ikotaki. Ngkai ti wareware, iango, ao n tataroakina ana taeka te Atua, ti na kona n tangiria. Te Uea e karinii inanora. Ngkana ti namakina te tangira anne, ti na waaki n tangiria ao n tangira riki te Uea. Ma te nano anne e na roko tangiraiia tabeman are ti kainnanoia bwa ti aonga ni kakorakoaia naake e katikuia te Atua iaon kawaira.

N aron te katoto, ti kona n tataro bwa ti na kinaia naake e na karekeia te Uea bwa a na reirei ma Ana mitinare. Mitinare ake a bwanin aia tai a kona n tataro inanon te onimaki bwa

a na ataa te bwai are a na reirei iaona ao ni kakoaua mai iroun te Tamnei. A kona n tataro inanon te onimaki bwa te Uea e na karekea namakinan Ana tangira nakoia aomata nako ake a kaitibo ma ngaiia. Mitinare a na bon aki uotiia ni kabane ake a kaitibo ma ngaiia nakon te ran ni bwabetito ao nakon ana bwaintangira te Tamnei ae Tabu. Ma a kona ni karekea te Tamnei ae Tabu bwa raoraoia. Rinanon aia ibuobuoki ao ana ibuobuoki te Tamnei ae Raoiroi, mitinare a na kona ngkanne, ni bitii nanoia, n te taina.

Te bitaki anne e na kakabouaki ngkai ti reitinako n ataa aomata inanon te mwakuri n onimaki ni kakorakoraia tabeman n ana euangkerio Iesu Kristo. Te rairaki bon tiaki ti te mwaneka ke te bwai are e na tiku ibukin te tai teuana n te maiu ma e na riki bwa te bwai ae e reitinako. Te maiu e na kona n ota riki ni karokoa te bong ae kororaoi, ngkana ti noora te Tia Kamaiu ao ni kunea bwa tia riki n ai Arona. Te Uea e kabwarabwara te kawai n te aro aei: Bwa are mai iroun te Atua bon te ota, ao ane e karekea te ota, ao n reitinako inanon te Atua, e na karekea riki te ota, ao te ota anne e na rikirake n ota ao n otamwaaka riki ni karokoa te bong ae kororaoi (tara D&C 50:24).

I berita nakoimi bwa e kona n riki nakoira n tatabemaniira.

REIREI MAN TE RONGORONGO AEI

Unimwane David A. Bednar man te Kooram n Abotoro are Tengaun ma Uoman e kabonganai "taetae ni kaikonaki ibukin taian amarake aika karaoaki man uaan kai" n reirei bwa te rairaki bon te waaki ae reitinako nakon te tai ae ti te taina: "Te rain iaon te rain ao te reirei iaon te reirei, n tokina teutana imwiin teutana, ara kantninga, ara iango, ara taeka, ao ara mwakuri a na boraoi ma ana kantninga te Atua" ("Ko Riai ni Manga Bungiaki," *Riaona*, Meei 2007, 19). Iangoa manga rinanoan te taetae ni kaikonaki ibukin te bikoo ma naake ko reireiniia. Tera ae ti kona ni karaoia ngaira n tatabemaniira nako bwa ti na wakirake n teimatoa n rikirake n ara maroro are a uaia ni maroroakinna Beretitenti Eyring ao Unimwaane Bednar?

KAIRAKE

Bitakin Nanou

Iroun Dante Bairado

Ngkai moan ongo taekan ana euangkerio ae kao-kaki lesu Kristo, I namakina te Tamnei ni kakoaua koauana. Rinanon te tataro, au kakoaua e rikirake riki ni matoa, ao I baireia bwa N na bwabetitoaki.

Bon imwiin au babetito, kain au uuote a waaki n titirakinai bwa tera au namakin n taekan te nako ni mitinare. N na taekinna ma te koaua, I bon aki ataia raoi bwa tera ae N na taekinna. Iangoan kitankia au utu ao te reirei n nako ni mitinare e taraa ni katabeaianga.

Imwiina n te bong teuana I tabe n iangoa rairakiu. I uringia mitinare ake a reireinai, ake a kaekai au titiraki ma te taotaona n nano ao ni buokai ni kaotaai n te euangkerio. I kunea bwa n akean aia ibuobuoki, N na bon aki kona ni kunea te Ekaretia ae koaua. Bon te tai naba are I karekea ataakin anne, te nano ni kan mitinare e a bwebwerake inanou. I kona n namakina te Tamnei n tungai bwa I riai n nako ni kabwanina au tai ni mitinare.

I ataia bwa te mwakuri ni mitinare bon ana mwakuri Tamara are I Karawa ao ti kona ni buoka uotakin nano nakon te atatai ae moan te tamaroa n te euangkerio are e a tia ni kaokaki.

E maeka te tia korokaraki i Manaus, Brazil

ATAEI

Kariaia bwa E na Otamwaaka Am Kakoaua

Karekean te kakoaua kanga ai aron kauraan te ai. **N**aron are ti na kakareia n te kai ni kateimatoa urana, ti riai n tataro, raira nanora, buokiia tabeman, kamatebwai n koroboki aika a tabu ni buoka ara koaua bwa e na otamwaaka.

Ngkana ko kan ataia bwa ko na kanga ni kateiraoa am kakoaua, wareki koroboki aika tabu akana a karinankai inano. Korea tamnein am ai ma urana aika nimaua aika bubura. Karana uran am ai akanne ni katoai koroboki aika tabu ake ko wareki. Mwaitin koroboki ake ko wareki, otamwakan riki te ai—ao am kakoaua!

Motiae 2:17

Aramwa 5:46

Aramwa 32:27

3 Nibwaai 15:10

Ioane 5:39



Anuan lesu Kristo N Akea ana Bure

Tataromuaaka ni kamatebuiaia te buai n reirei aei ao n ukoukoria n ataia bwa tera ae ko na tibwauaia. E kanga am atatai ni maiun ao ana mwakuri te Tia Kamaiu ni karikirakea am onimaki Irouna ao ni kakabwaiaia naake ko tararuiaia rinanon te reirei ni kakawari? Ibuskin rongorongona riki tabeua, nakon *reliefsociety.lds.org*.

Aio mwakoron Rongorongon te Reirei ni Kakawari are e kaota iai anuan te Tia Kamaiu.

Ara Tia Kamaiu, Iesu Kristo, bon Atti ngaia te aomata are e kona ni karaoa te mwakuri ni kamaiu ibukiia aomata nako. Iesu Kristo, te tibu te teei ae akea ana bure, e anga ngaia iaon te bao ni karea ao e kabooi ara bure ni kabane,” e taku Beretitenti Dieter F. Uchtdorf, Kauoman ni Kauntira n te Moan Beretitentii.¹ N ota raoi bwa Iesu Kristo bon akea ana bure e kona ni buokiira ni karikirakea ara onimaki irouna ao ni kataia ni kawakin Ana tua nako, n rairi nanora, ao ni kaitiakaki.

“Iesu . . . te aomata ae iai r-bwatana ao tamneina, ma Ena aki bwaka n te kaririaki (taraa Motiaeae 15:5),” e taku Unimwane D. Todd Christofferson man te Kooram n Abotoro ake Tengaun ma Uoman. “Ti kona n rairaki nakoina . . . ibukina bwa E ota. E ota n te kaanganga, ao E ata naba bwa ti na kanga n tokanikai iaon te kaangangaa. . . .

“. . . Mwaakan Ana Mwakuri ni Kamaiu e kona ni kamaiunai rootakira n ara bure. Ngkana ti

rairannano. Ana nanoanga ni motikitaeka e na kaitiakiira (taraa 3 Nibwaai 27:16–20). Kanga ai aron are ti tuai riinga te bure, kanga ai aron are ti tuai kaririaki.

“Ngkai ti beku mwaaka ni katoabong ao ni katoa wiiki n irira kawain Kristo, tamneira e rimoa ni kaota kakannatona, te itabarara inanora e na keerikaki, ao te kaririaki e na toki”²

Rakan riki Booki aika Tabu

Mataio 5:48; Ioane 8:7; Ebera 4:15; 2 Nibwaai 2:5–6

Man Koroboki aika Tabu

E kabooi mwiin ara bure te Tia Kamaiu rinanon Tibwangana n Riki bwa te Nati, maiuna n akea ana bure, Korakaina ao wawanakon Raraana n te Onaroka are i Ketetemwane, Matena iaon te kaibangaki ao manga Utina man te ruanimate. Rinanon Ana Mwakuri ni Kamaiu Iesu Kristo, ti kona ni bane ni manga kaitiakaki ngkai ti rairi nanora man ara bure.

Te Uea Beniamina e reireiniia ana botanaomata taekan ana Mwakuri ni

Kamaiu Iesu Kristo ao imwiina e titirakinia ngkana a kakoaua ana taeka. “A takarua n te bwana ae ti teuana ni kangai: . . . Tamnein te Uea . . . e a tia ni karika te bitaki ae moan te korakora ioura, ke inanora n te aro are akea te nano ni kan karaoa ae buakaka, ma n teimatoa ni karaoa ae raoiroi. . . .

“Ao ti a tauraoi ni karaoa te berita ae tabu ma Atuara bwa ti na karaoa nanona, ao ti na ongeaba nakon ana tua ni kabane ni bwaai ni kabane ake e na anga ana tua iai nakoira” (Motiaeae 5:1–2, 5).

Ti kona naba ngaira ni karekea “te bitaki ae korakora” n ai aroia ana aomata te Uea ae Beniamina, are “akea te nano ni kan karaoa ae buakaka, ma n teimatoa ni karaoa ae raoiroi” (Motiaeae 5:2).

BWAII AIKA A NA TARAAKI

- Dieter F. Uchtdorf, “You Can Do It Now!” *Liahona*, Nobembwa. 2013, 56.
- D. Todd Christofferson, “That They May Be One in Us,” *Liahona*, Nobembwa. 2002, 71.

langoa Aio

E kanga te itiaki ni kaokoro ma te kororaoi?